

晴

川

蟹

錄

序

余與子晉孫君誼戚交尤以文字相好時已有名諸
生間校藝先登者數矣然非君好也君所好者我自
讀書耳杜門却掃坐擁羣籍研精纂要網羅古今曩
緝三申野錄天人之故洞如也三秋偶暇復成蟹錄
四卷竭茲物情暢厥理趣名雖述古意由獨造調元
養生不爲無助豈徒嗜奇姑一試其雕蟲哉君以博
士徵韜光不出復能績學著書令後世知有孫子余
則嘿嘿漁樵農圃之儔獨叙是錄從其好也君其以
余爲知言否耶丙申長至姻弟沈繹祖拜題

目

卷一

譜錄

卷二

事錄

卷三

文錄

卷四

詩錄

晴川蟹錄卷之一

仁和孫之駿

時川字輯

譜錄

離象

易之離象曰爲鼈爲蟹爲羸爲蚌爲龜孔穎達云取其剛在外也

有匡

檀弓曰成人有其兄死而不爲衰者聞子臯將爲成宰爲衰成人曰蠶則績而蟹有匡范則冠而蟬有綏兄則死而子臯爲之衰孔穎達云蟹背殼似匡

仄行

周禮梓人爲篋篋別叙小蟲蟹屬以爲雕琢鄭康成注云刻畫祭器博庶物也蟲自外骨至胸鳴內有仄行者釋云蟹屬賈公彥疏曰今人謂之螃蟹以其側行者也內卻行者蟻銜之屬卽由延也脰鳴者卽蝦蟇也紆行者卽蛇也案周禮祭器未有以由延螃蟹蝦蟇以蛇爲飾者不知起何法制且經文但云以雕琢耳康成專取爲祭器之飾義誠未安

蝟蟻

爾雅釋魚篇云蝟蟻小者蝟

勞梁屬見埤蒼或曰卽蝟也似蟹而小

走遲

大司樂樂六變注蛤蟹走則遲

蟲孽

越王勾賤召范蠡曰吾與子謀吳子曰未可也今其
稱蟹不遺種其可乎注蟹食稻對曰天應至矣人事未盡
也王姑待之

性躁

荀子勸學篇云蟹六跪而二螯非蛇蠃之穴無所寄
託者用心躁也注跪足也螯蟹首上如鉞者序語蟹皆入足此云六者謬文然今觀蟹行兩小足不着地以無用所畧而不言

左持

春秋畢吏部卓字茂世嘗謂人曰左手持蟹螯右手執酒杯拍浮酒池中足樂一生哉

捕鼠

淮南子曰使蟹捕鼠必不得

不啖

虞預會稽典錄云吞舟之魚不啖鰕蟹
玉篇作蝦蟹長鬚也熊
虎之爪不剝狸鼠

郭索

太玄銳前一蟹之郭索後蚶黃泉

范明叔云一水也故稱泉亦爲

稱蟹五爲裸故稱蚓言蟹之後蚓者用心之不一雖有郭索多足之蟹不如無足之蚓者以其用心之一也

螯基

晉書蔡謨字明道初渡江見螯基大喜曰蟹有八足加以二螯令烹之既食吐下委頓方知非蟹後詣謝尚而說之尚曰卿讀爾雅不熟幾爲勤學死

誅解系

晉解系字少連與趙王倫同討叛羗時倫信用佞人孫秀與系爭軍事更相表奏朝廷知系守正不撓而名倫還系表殺秀以謝氏羗不從後倫秀以宿憾收

系兄弟梁王彤救系等倫曰我於水中見蟹且惡之
况此人兄弟輕我邪遂害之

蛙吟

莊子秋水篇公子牟曰子獨不聞夫埳井之鼃乎謂
東海之鼃曰吾樂與吾跳梁乎井幹之上入休乎闕
甃之崖赴水則接掖持頤蹶泥則沒足滅跗還軒音寒

義云井中赤
蟲一名蝓

蟹與蝌斗莫吾能若也

龜長

大戴禮云甲蟲三百六十四神龜爲之長蟹亦蟲之
一也

侈味

南史何循字子季出繼叔父曠所更字循叔初循侈

於食味前必方丈後稍欲去甚者猶食白魚鮓

市演反

脯糖蟹以爲非見生物擬食蚶蠣使門人議之學生

鍾岍曰鮓魚就脯驟見屈伸蟹之將糖躁擾彌甚仁

人用意深懷此怛至於車螯蚶蠣眉目內闕漸渾沌

之奇獷殼外緘非金人之慎不悴不榮會草木之不

若無馨無臭與瓦鏤其何殊故宜長充庖厨永爲口

實

瑣詰

郭景純江賦云瑣瑁腹蟹水母目蝦又松陵集注云瑣瑁似蚌常有一小蟹在腹中爲瑁出求食蟹或不至瑁餒死所以淮海人呼蟹奴

介蟲之孽

月令章句曰介者甲也謂龜蟹之屬

後漢五行志

無腸公子

枹朴子云山中無腸公子者蟹也

天文

釋典云十二星宮有巨蟹焉

食證

孟詵食療本草云蟹雖泔食治胃氣理經絡然腹中
有毒中之或致死急取大黃紫蘇冬瓜汁解之卽差
又云蟹目相向者不可食又云以鹽漬之甚有佳味
沃以苦酒通利支節去五臟煩悶

子謂亦不可與柿
子同食發霍瀉

異名

中華古今注云螯蛆小蟹也生海塗中食土一名長
卿其一螯偏大者爲擁劍一名執火

誠嗜

混俗願生論曰凡人常膳之間猪無筋魚無氣鷄無
髓蟹無腹皆物之稟氣不足者不可多食

兵異

軍畧災篇云地忽生蟹當急遷若柵不遷將士亡

集鼠

陶隱居云僊方以黑犬血灌蟹三日燒之諸鼠畢集

鱉類

郭景純傳山海經云鱉形如車文青黑色十二足長五六尺似蟹雌常負雄而行魚者取之必雙得卽吳都賦所謂乘鱉者也呂延濟亦注云似蟹

浦名

南齊建武四年崔慧景作亂到都下今之金陵不克單馬

至蟹浦投漁人太叔榮之榮之故爲慧景門人時爲蟹浦戍因斬慧景頭納縮籃中送都下焉

畫

唐韓晉公滉善畫以張僧繇爲之師善狀人物異獸水牛等外後妙於螃蟹

輸芒

孟詵食療本草云蟹至八月卽啗芒兩莖長寸許東鄉至海輸送蟹王之所陶隱居亦云今開腹中猶有海水乃是其證予謂卽陸魯望云執穗以朝其魁者也與夫羔羊跪乳蜂房會衙俱得自然之禮

蛉腹

唐顧况字逋翁混胎丈人攝魔還精符曰螟蛉之子
蝦目蟹腹即即周周兩不相掩此之謂體異而氣同

同鼠孽

唐陸龜蒙字魯望作稻鼠記引國語曰今吾稻蟹不
遺種豈吳人之土鼠與蟹更俟其便而効其力殲其
民歟

為菑

晉隱逸傳夏統字仲御會稽永興人也幼孤貧養親
以孝睦聞初兄弟每採相求食星行夜歸或至海邊

拘蟣以自資養

玉篇

八足

蟹二螯八足

蟹

昔流反似蟹十二足見郭璞江賦

蝓

上方武下布莫反皆蟹也

月令

季冬行秋令介蟲爲妖

丑爲蟹

圖經

羅處約新修蘇州圖經鳥獸蟲魚篇蟹居其末

琴聲

琴譜履霜操有蟹行聲

唐韻

蝥

蝥

今之蝥

似蝥而小

子謂蝥

蝥耳

蝥

五忽反

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

蝥

說文

六足

許慎說文云蟹六足二螯首也

蛻

九毀切唐韻云獸似龜白身赤首

胥

相居切蟹醢也

唐韻從蟲鹽藏之

長生

陶隱居云僊方投蟹於漆中化爲水飲之長生

食葚

陶隱居云蟹未被霜者甚有壽以其食水葚也

建音人

或中之不卽療則多死至八月腹內有稻芒食之無毒

斬王攄

晉書劉聰字玄明卽僞位左都水使者襄陵王攄坐

魚蟹不供斬于東市

藥證

本草云蟹螯味鹹性寒有毒主胸中邪氣熱結痛噎
僻面腫解結散血愈漆瘡養筋益氣取黃以塗久疽
瘡無不差者又殺葭莖毒其爪大主破胞墮胎陳藏
器本草云人或斷絕筋骨者取脛中髓及腦與黃微
熬納瘡中卽自然連續海藥本草云石蟹案廣州記
云出南海祇是尋常蟹年深歲久日被水沫相把因
茲化成石蟹每遇海潮卽飄出又有一般者入洞穴
年深亦成石蟹味鹹寒有毒主消青盲眼浮翳又主

眼澁皆細研水飛入藥相佐用以點耳

孝報

初杭俗嗜蟹蟻而鄙食蟹時有農夫田彥升者家於半道紅性至孝其母嗜蟹彥升慮其鄰比闕笑常遠市於蘓湖間熟之以布囊負歸俄而楊行密將田頔於倫兵暴至鄉人皆竄避於山谷糧道不接或多餒死獨彥升挈囊負母竟以解免時人以爲純孝之報焉

殊類

震澤魚者陸氏子舉網得蟹其大如斗以齧剪其網

皆斷陸氏子怒欲烹之其侶老於魚者遠進曰不可
吾嘗聞龜蟹之殊類甚者必江湖之使也烹之不祥
乃從而釋之蟹至水面橫行里許方沒

貪化

神宗朝有大臣趙氏者名雖於國功高然其性貪墨
私門子弟苞苴上特優容之一日因錫宴上召伶官
使諭已意伶者乃變易爲十五郎姓旁因命釣者俄
一人持竿而至遂於盤中引一蟹十五郎見而驚曰
好手脚長我欲烹汝又念汝是同姓且釋汝翌日趙
果出鎮近輔

採捕

今之採捕者於大江浦間承峻流環緯簾而障之其名曰斷音銀於陂塘小泔港處則皆穴沮洳而居居人盤黑金作鈎狀置之竿首自探之夜則燃火以照咸附明而至焉若魚以餌而釣之

泉比

煎茶之法視其泉若蟹目然魚鱗然第一法

兵證

吳俗有蝦荒蟹亂之語蓋取其被堅執銳歲或暴至則鄉人用以爲兵證也

貢評

國家貢口實於遠方者蛤蜊亦貢焉獨蟹不貢議者以爲貢不貢固有差品予謂非也蛤蜊止生於海塗適京州郡無有也故須上供旁蟹盛育於濟鄆商人輦負軌跡相繼所聚之多不減於江淮奚煩遠貢哉予嘗見監御厨王染院云御食經中亦有煮蟹法但不常御錫命則進耳非謂無錄而不在貢品

風蟲

蟹之腹有風蟲狀如木鼈子而小色白大發風毒者

宜去之

鬱州

江淞諸郡皆出蟹而蘓尤多蘓之五邑婁縣爲美

也婁縣之中生鬱州吳塘者又特肥大

鬱州卽孫恩所保之地

食品

北人以蟹生析之醅以鹽梅笔以椒橙盥手畢卽可食目爲洗手蟹

恠狀

吳沈氏子食蟹得背殼若鬼狀者眉目口鼻分布明白常寶翫之

斷弊

蟹至秋冬之交卽自江順流而歸諸海蘓之人擇其江浦峻流處編簾以障之若犬牙焉致水不疾歸而歲常苦其患者有由然也雖州符遣卒俾令棄毀而吏民萬端終不可禁羅江東云蛟蜃之爲害也則絕流不顧漁人之鈎網噫水之病吳久矣又非蛟蜃之比絕流顧網其才識固自有小大哉長民者能推而不疑亦豐歲一助也

蟹杯

其斗之大者匡一漁人或用以酌酒謂之蟹杯亦訶陵雲螺之流也阿陵酒樽用蟹魚殼謂之漣錐蟹角內玄外黃松陵集海南人目螺之有

文者曰雲螺
亦用以酌酒

令旨

藝祖時嘗遣使至江表宋齊丘送於郊次酒行語熟
使者啓令曰須嚼二物各取南北所尚復以二物仍
互用南北俚語使者曰先喫鱸魚又喫旁蟹一似拈
蛇弄蝎齊丘繼聲曰先喫乳酪後喫喬團一似撞膿
灌血時朝廷方草創用度不給倚江表爲外府故齊
丘及之左右以令逼使之太甚相顧失色使者雅歎
焉故歸朝而間行

蟹戶

錢氏間置魚戶蟹戶專掌捕魚蟹若今台之藥戶哇戶陸之漆戶比也

兵權

出師下砦之際忽見蟹則當呼爲橫行介士權以安衆

蟹征

按周禮馭人職掌漁征入于玉府者貢其鬚骨之用以飾器物也今魚雖鯤鮪以至蝦蟹悉立征稅之曰非若古人取鬚骨之意也二浙運使沈公立以歲征權奏罷之議者謂其識體

螺化

海中有小螺以其味辛謂之辣螺可食至二三月間
多化爲螻蛄今人有得螯跪半成而尚留殼中者此
其證也近青龍鎮居民於江塗中得蟹螯跪俱脫其
目若初彼爲恠及熟烹去殼則將化爲蟬矣
噫物之變化萬狀固不可究詰今觀蟬之首腹頗與
蟹相類誠亦有是但慮驚俗又非予之所親見故附
之錄

食珍

凡糟蟹用茱萸一粒置罍中經歲不沙

蟹浪

濟運居人夜則執火於水濱紛然而集謂之蟹浪

酒蟹

酒蟹須十二月間作於酒甕間撒清酒不得近糟和鹽浸蟹一宿却取出於罈中去其糞穢重實椒鹽訖疊淨器中取前所浸鹽酒更入少新撒者同煎一沸以別器盛之隔宿候冷傾蟹中須令滿螯蛆亦可依此法二三月間止用生乾煮酒

白蟹

秀州華亭縣出於三泖者最佳生於通沙塘者特大故鄉人呼爲泖蟹又亭林湖近顧野王宅鄉人亦號爲顧亭林於天聖末忽生白蟹即海中所生蟹是也但蟹不瀕江之生于淡水今忽有因號白蟹

人以價倍常靡有子遺止一年而種絕

盪浦搖江

吳人於港浦間用篙引小舟沉鐵脚網以取之謂之盪浦於江側相對引兩舟中間施網搖小舟徐行謂

之搖江

上接斷下接於陂塘

紀賦詠

中躁外撓兮冠帶之徂

陸龜蒙賦

蟹奴睛上臨湘檻燕婢秋隨過海船

皮日休

蟹因霜重金膏溢橘爲風多玉腦圓

二螯或把持

杜子美

亥日饒蝦蟹 白樂天

晴川蟹錄卷之一

晴川蟹錄卷之二

仁和孫之駱

一字晴川

事錄

軒轅星

雲笈七籤軒轅星天之后妃土官也其神旦爲羊豨
爲蟹

日蟹

黃帝時日蟹虹躡禺姑牛蟻黃神黃爵白澤解廌之
瑞府無虛日

史略

百足

洞冥記善苑國嘗貢一蟹長九尺有百足四螯因名百足蟹其殼謂之螯膠勝於鳳喙之膠

千里

汲冢周書海陽巨鱗其殼專車山海經云姑射國大蟹在海中郭璞注蓋千里之蟹也又云女丑有大鱗郭注廣千里也

隨潮

升菴外集云古人制字有義蟹隨潮解甲更生新故字從解

應月

羅氏曰蟹腹中虛實應月之盛衰或云月黑則蟹肥
月明則瘦淮南子蛤蟹珠龜與月盛衰

蟹穴

蟹從稻田求食其行有跡跡之得其穴一穴輒一輩
然新穴有蟹舊穴則否

蟹舍

范成大詩我亦湖江具釣舟蟹舍漂搖幾風雨

黃大

清異錄偽德昌宮使劉承勳嗜蟹但取圓殼而已親
友中有言古重二螯承勳曰十萬白八敵一箇黃大

不得謂螾有八足故云

筴舌蟲

盧絳從弟純以螾肉爲一品膏嘗曰四方之味當許
含黃伯爲第一後因食二螾筴傷其舌血流盈襟絳
自是戲純螾爲筴舌蟲

鈴頰

夷堅志洪慶善從叔母食蟹率以糟治之一日正食
見几上生螾散走大怒呼婢撤去婢無知復取食爲
一螿鈴其頰盡力不可取頰爲之穿自是不敢食螿

螿加山

玄中記天下之大物有北海之鱓焉舉一螯能加於
山上身故在水中

林沒水

異物志昔有人行海得洲林木甚茂乃維舟登岸爨
於水傍半炊而林沒於水斷其纜乃得去詳視之大
鱓也

懸犬

酉陽雜俎云平原郡貢糖鱓採於河間界每年生貢
斲水日照懸老犬肉鱓覺犬肉卽浮因取之一枚直
百金以匱密束於驛馬上馳至京

鬪虎

蝻蚌大者長尺餘兩螯至強八月能與虎鬪虎不如
隨大潮退殼一退一長山谷楚辭云螳臂美兮當車
螯螯強兮鬪虎

化鼠

晉書太康四年會稽蚘螟及螻皆化鼠甚衆復大食
稻爲災

秋時風致

杭人最重螻秋時風致唯此爲佳林和靖詩曰草泥
行郭索又云水痕秋落蟹螯肥是也

西湖志餘

過却便沒

雜志杜相苦痰嗽性嗜蟹人或止之答云痰嗽發猶
有時螃蟹過却便沒

蟹腹

蟹腹下有毛殺人

雜俎

蟹黃

宋葛起耕詩催破橙香為蟹黃

吳中貢御

清異錄楊帝幸江都吳中貢糟蟹糖蟹每進御則旋
潔拭殼面以鏤金龍鳳花貼上

內宴不食

聞見錄仁宗內宴十門分進饌有新蟹一品二十八枚帝曰吾尙未嘗枚直幾錢左右對直一千帝不悅曰數戒汝輩無侈靡一下箸爲錢二十八千吾不忍也置不食

遺醬

朱登爲東海相遺敝蟹醬報書曰蘧伯玉受孔氏之賜必以及鄉人敝謹分貺於三老尊行者曷敢獨享之

張敞集

求醬

石崇冬月得蟹醬齊王愷貨崇帳下求取去

釋名

艾灼

淮南子曰夫釋大道而任小數無以異於使獬捕鼠
蟾蜍捕蚤不足以禁奸塞邪亂乃逾滋注以艾灼獬
匡上納置穴中迺熱走窮穴適能擒一鼠也

緯蕭

魏書云胡叟救蜀僧法成之死法成感之多遺珍物
叟曰緯蕭何人能棄明珠吾爲德請財何爲也一無
所受

敗漆

淮南子曰漆見蠹而不乾博物志蠹漆相合成水抱
朴子若蠹之化漆麻之壞酒此不可以理說者也

蟹愁

揚誠齋峽山寺竹枝詞龜魚到此總回頭不但龜魚
蠹亦愁

辟瘡

筆談閩中無蠹秦人家收得一乾蠹土人怖其形狀
以爲怪物每人家有病瘡者則借去懸門戶往往遂
差不但人不識鬼亦不識也

畏雷

北俗云蟹無腸故畏雷杜牧詩未遊滄海早知名有骨還從肉上生莫道無心畏雷電海龍王處也橫行致雨

建寧志相傳建陽縣南興上理山谷中水極清冽嘗產白蟹有直行之異遇歲旱鄉人入谷以盆貯之迎而歸卽雨

蟹蛟

伊尹書有蟹蛟

蟹胥

說文胥蟹醢也言其肉胥胥鮮也字訓云蟹之美在

足故以足周禮唐人注青州之蟹胥集韻作蟹廋開
府詩濁膠非鶴髓蘭肴異蟹胥山谷詩蟹胥與竹萌
乃不美羊腔

嗜蟹補外

歸田錄國初通判嘗與知州爭權每曰我是郡監往
者有錢昆者餘杭人也浙人嗜蟹常求補外郡人問
今所欲曰但得有螃蟹無通判處則可至今人以爲
口實

一蟹不如

聖宋掇遺陶穀奉使吳越忠懿王宴之因食蝓蟬詢

其族類忠懿命自蝻蚌至螻蚋凡十餘種以進穀曰
貞所謂一蟹不如一蟹

七人乞貸

春渚紀聞餘杭范達夜夢甲冑而拜於庭七人云某
等皆錢氏時歸順人今海行失道死在君手幸見貸
也既覺人有以蝻蚌七枚爲獻因遣縱之於江

王吉夢

王吉夜夢一螻蟻在都亭作人語曰我翌日當舍此
吉覺之使人于都亭候之司馬長卿至吉曰此人文
章橫行一世天下因以呼螻蟻爲長卿卓文君一生

不食蟊螟

成都舊事

東坡嗜

東坡嗜蟹後有見餉者皆放之江中曰不以口腹苦生類也

西湖判官

侍衛步司右軍第三將狄訓練以紹興三年二月六日部諸寨兵五更入受俸至前湖門外坐胡床以候啓門覺有堅物觸其足取燭照視則一巨蟹長三尺形模怪醜命從卒執縛送於家復坐假寐夢一人長鬚容貌古惡著淡綠袍軟幘黑鞞繫烏犀帶持手板

捐曰某乃西湖判官因出戲於綠野蒙君雲執慮必
遭鼎烹之害願急馳一使往告俾全餘生當謀厚報
脫或不免在微命固不足恤正恐爲門下之禍非細
事也狄寤而門已啓衆以次入城未暇問及事畢奔
馬歸舍諸子已烹解分食詫其甘解獨妻未下箸狄
話所夢使勿食未幾五子相繼病死唯狄與妻存夷

志

吳興太守

東坡蝻蟀詩溪邊石解小如錢喜見輪囷赤玉盤半
殼含黃宜點酒兩螯斫雪勸加餐蠻珍海錯聞名久

怪雨腥風入座寒，堪笑吳興饒太守。一詩換得兩尖
鬪。

戲呼蝘蟀

揚誠齋嘗戲呼尤延之爲蝘蟀，延之呼誠齋爲羊。一
日食羊，白腸延之曰：「秘監錦心繡口，腸亦爲人所食。」
誠齋笑吟曰：「有腸可食，何須恨？尤勝無腸可食人。」世
稱懈爲無腸公子，一坐大笑。誠齋和尤延之見戲解
潘之韻詩曰：「儂愛山行
君水遊，尊前風味獨宜秋。戈却日玉無價，器寶羅
曾金欲流。欬唾清圓，談者誦詩章，精悍古人，羞于房
莫笑，身三尺會
看功成自擇留。

虎蟬

閩部疏曰海虫螭有冬春間生者蝥蟬類也而色瑪瑙斗殼作豸豸斑斕畫似虎頭人名之曰虎螭予以配龍蝦爲的對也

彭蠡

彭蠡一名彭越舊傳漢醢彭越賜九江王布布不知而食俄覺而哇出於江中化爲鱗而去似彭蠡而小無毛穴直易取證俗音有毛者曰彭蠡無毛者爲彭蠡堪食俗呼彭越訛耳

蝥蟬

蝥蟬一名黃甲蟹之最巨者殼純青色有兩尖橫出

螯員無毛兩螯八足後二足匾而俯

飛螯

廣東新語小娘蟹其螯長倍於身大者青綠如錦味與諸蟹同而新安人賤之惟熟其螯以進客有擁劔五色相錯螯長如擁劔然新安人以獻嘉客名曰進劔爲敬之至有飛螯小者如錢大者倍之從海面飛越數尺以螯爲翼網得之味勝常螯

石蟹

崖州三亞港水淡多產石蟹石上有脂如飴膏蟹食之沾蜚濡足而死輒爲石是爲石蟹取時以長釣出

之故螯足不全或謂石蟹浮游海中見風則堅誤也
一說石蟹水沫相著所化多生海潮出入處隨風漂
出善水者沒而取之于水中洗刷出水則泥不能脫
夫

夢食蟹

徐揚夢食巨蟹甚美迨旦同舍六人聚坐一客語及
海物黃甲者揚問其狀曰視蝤蛄差小而已螃蟹爲
大揚竊喜乃以夢告人以爲必中黃甲之兆泊榜出
六人皆不利揚獨登科

驅入嶼山

夷堅志湖州醫者沙助教之母嗜食蟹每歲蟹盛時日市數十枚置大甕中與兒孫環視欲食則取付鼎鑊紹興十七年死其子設醮於天慶觀家人皆往有十歲孫獨見媪立門外遍體皆流血媪語孫曰我坐食蟹業纔死則驅入蟹山受報蟹如山積獄吏使我立上羣蟹爭以螫刺我不得頃刻止苦痛不可具道適真官吏押我至此受供而里域司又不許入孫具告乃父泣禱於里域神頃之媪至設位訴曰痛豈復可忍爲我印九天生神章焚之分給羣蟹令持以受生庶得免罪隱不見其家卽日鑊生神章板每夕焚

百紙終喪乃罷

張氏煮蟹

平江細民張氏以煮蟹出售自給所殺不可億計紹興五年七月買兩節真室中凡數百枚夜聞鳴聲嘈嘈父子秉炬尋索無所視迨復寢其聲又作審聽之正在節內乃起坐咄之蟹作人言曰只是死了住夜半後又覺有人着屣游行以爲盜也走報鄰里欲拘執寂無影響其女五七娘驚而病臥於床三日聞外人喚云五七可同去應曰待我來至晚而死後九日張妻亦病見女坐床下呼之使上已而張父子及妻

相繼亡但存一小女曰阿感無人養育所親周二爲
取致其家便見父母來就喚亦死張門遂絕

同上

十二點

北戶錄儋州出紅蟹大小殼上作十二點深臙脂色
亦如鯉之三十鱗耳其殼與虎蟬堪作疊子

一背紅

墨莊漫錄毘陵一士人姓常爲蟹詩云水清詎免雙
螯黑秋老難逃一背紅蓋譏朱勗父子

僕射橫行

湘山野錄僕射嚴續位高寡學爲時所鄙江文尉作

蟹賦以譏之云外視多足中無寸腸口裏雌黃每失途而相煦胸中戈甲常聚衆以橫行續深赧之

侍郎歸矣

鄒浩爲蔡京所陷謫居昭州以江水不可飲汲於數里外後所居嶺下忽有泉濬之清冽曰感應泉亂石之下得蟹一枚自放於江曰予至五嶺不覩此物數年矣亂石之下又非所宜穴處也何從而出耶易不云乎物不可以終難故受之以解蟹者解也天寶告之矣蒙恩歸侍立可待矣未幾泉忽涸疑之有人至門厲聲呼曰侍郎歸矣求之不可見次日果拜赦命

楊龜山挽詩有泉甘不出戶客至豈無神之句

楞幢小品

山精破齋

述異記宋元嘉初富陽人姓王子窮濱中作齋齋旦往視見一材長二尺許在齋裂開蟹出都盡乃修治齋出材岸上明往看之材復在齋中敗如前王又治齋再往視所見如初王疑此材妖異乃取材納蟹籠中繫擔頭歸去至家當破燃之未至家三里聞中窅窅動轉見向材頭變成一物人面猴身一手一足語王曰我性嗜蟹實入水破若蟹齋相負已多望君見恕開籠放我我是山神當相助祐使全齋大得齋王

曰汝犯暴人前後非一罪自應死此物苦請乞放又
類問君姓名爲何王不答去家轉近物曰旣不放我
又不告我姓名當復何計但應就死耳王至家熾火
焚之後寂無異土俗謂之山魘云知人姓名則能中
傷人所以勤問止欲害人自免馮夢龍曰知名之士
不被中傷者幾人沮溺所以藏名也按異苑山精如
人一足長三四尺食山蟹夜出晝藏

僊人擲錢

僊蟹產羅浮阿耨池旁形如錢大色深紅明瑩如琥
珀大小數十羣行見人勿畏以泉水養之可經數月

見他水則死相傳仙人擲錢所變

廣東新語

含春侯

食譜藏蟬含春侯高宗幸張府有螃蟬釀棖螃蟬清羹洗手蟹螯蟬食糟蟹等物

十月雄

姑蘇志云出太湖者色黃殼軟曰湖蟹冬月益肥美謂之十月雄出吳江汾湖者曰紫鬚蟹出崑山蔚州者曰蔚遲蟹又有江蟹黃蟹稻秋蟹

蟳出

廣東新語凡春正月二月南風起海中無霧則公蟳

蟳出夏四五月大禾旣蔣則母蟳出其白者曰白
蟳生毛者曰毛蟳蟳有毒多食發吐痢而潮人無
日不食以當園蔬故諺曰水潮蛎食鹹解鹹解者以
毛蟳入鹹水中經兩月熬水爲液投以相橘之皮
其味佳絕解其渣滓不用用其精華故曰解蛎者蛤
之屬

紫蟹來

紹興志紫蟹產上河色紫其味尤雋苦楝花時挾子
而至語曰苦楝開紫蟹來黃甲形甚大產海崖其殼
無毛蟳小止可及寸沙蟹更小味亦下

酌蕪李

山谷追懷太白子瞻詩云我病二十年大斗久不覆
因之酌蕪李蠲肥社醅熟

書桂張

嘉靖帝一日見蟹行地問何物內臣以蟹對取看背
有字曰桂萼張璠驚求其故轉相追究乃太監崔文
所書因言二人橫行也文謫南京

與山神鬪

廣異記近世有波斯常云乘船泛海往天竺國者已
六七度其最後船漂入大海不知幾千里至一海島

島中見胡人衣草葉懼而問之胡云昔與同行侶數千人漂沒唯已隨流得至於此因爾採木實草根食之得以不死向衆哀焉遂舩載之胡乃說島上大山悉是車渠瑪瑙玻璃等諸貨不可勝數舟人莫不棄已賤貨取之既滿船胡令速發山神若至必當懷惜于是隨風挂帆行可四十餘里遙見峯上有赤物如虵形久之漸大胡曰此山神惜寶來逐我也爲之奈何舟人莫不戰懼俄見兩山從海中出高數百丈胡喜曰此兩山者大蟹螯也其蟹常好與山神鬪神多不勝甚懼之今其螯出無憂矣大地尋至嶼與盤闢

良久蟹夾地頭死於水上如連山船人因是得濟

大如椀

遼志云渤海螃蟹紅色大如椀蟹巨而厚其跪如中國蟹

覆如屋

職方外記海中有蟹大踰丈許其蟹以箝人首人皆立斷箝人肱人肱立斷以其殼覆地如矮屋然可容人臥

鸚哥嘴

松江之上海杭州之海寧俗皆喜食螿蟹名曰鸚

哥嘴以有極紅者似之故也

烏擁劍

大業拾遺吳郡獻蜜蠚二千頭作如糖蟹法蜜擁劍
四甕吳都賦所謂烏擁劍是也

越王鈴下

顏氏家訓擁劍狀如蟹但一偏大爾俗謂越王鈴下
何遜詩云躍魚如擁劍是不分魚蟹也

照灘

山谷詩照灘禽郭索燒野得伊尼佛書伊尼鹿名照
灘謂照火取蟹也若醢蟹以火照之則蟹膏成沙歸

田錄淮南人藏鹽蟹凡一器以皂莢半挺置其中則可藏之經歲不沙

易螯

造化權輿龍易骨蛇易皮麋鹿易角蟹易螯折其足隨卽更生

蟹奴

桂萱錄海上有蟹大如錢腹下又有十蟹名曰蟹奴廣志云蝓小蟹大如貨錢

海鏡

嶺表錄異海鏡廣人呼爲高葉盤兩片合以成形殼

圓中甚瑩滑日照如雲母光內有少肉如蚌胎腹中
有紅蟹子其小如黃豆而螯具足海鏡饑則蟹出拾
食蟹飽歸腹海鏡亦飽或迫之以火則蟹子走出離
腸腹立斃或生剖之有蠟子活在腹中逡巡亦斃

玉蟹

八牋云三月二十八日爲東嶽生辰遊女盤珠朶翠
車馬駢闐所陳奇禽如紅鸚白雀水族則玉蟹金龜
珍異畢至竟日乃罷

四明蟹

寧波志蝥蚌生海邊泥穴中大者曰蚌有虎斑文隨

湖涇淪者名虎蟬小者名黃甲蟹俗呼爲蟹長而銳者謂之蟹圓臍者牝尖者牡也輕霜則有赤膏俗呼母蟹亦曰赤蟹無膏曰白蟹有子者曰子蟹螃蟹俗呼毛蟹兩螯多毛生湖泊淡水中怒目橫行故曰螃蟹秋後方盛有溪蟹小而性寒搗碎愈溼瘡蟛蛄蟹赤者名擁劍一種爲蟛蛄性極寒卽蔡謨所誤食也又一種名桀步埤雅曰以其橫行故謂之桀步又一種曰沙蟹

沙河蟹

西湖近不產蟹惟沙河蟹特大而肥又云不如嘉興

之齧蟹也

千人捏

千人捏似蟹大如錢殼甚堅壯夫極力捏之不死俗言千人捏不死因以爲名或以謔市倡

三百丸大彭蚰

感應經蟹屬名彭蚰以螯取土作丸從潮來至潮去成三百丸因名三百丸大彭蚰

蒯

博物志南海有水虫名蒯蛤之類也其中有小蟹大如榆莢蒯開甲食則蟹亦出食蒯合甲蟹亦還入爲

蒯取以歸始終死不相離

川蟹

抱朴子曰伐木而寄生枯芟草而兔絲萎川蟹不歸而蛙敗結將蟹以爲命不可一日無也

額上取蟹

輟耕錄任子昭云向寓都下時鄰家兒患頭疼不可忍有回回醫官用刀割開額上取一小蟹堅硬如石尙能活動頃焉方死疼亦適止當求得蟹至今藏之夏雪簑云嘗於平江閭門見過客馬腹膨脹倒地店中偶有老回回見之于左腿割取小塊出不知何物

也其馬隨卽騎而去信西域多奇術哉

鼓甲而前

章禮稽山人始爲諸生後棄之走燕仍得入試主者甫閱其卷有巨蟹鼓甲而前主試者異之遂寘第一時衆論以章冑籍首薦攻之急事閱世廟問璫者曰何謂冑籍璫者對曰各省士子以順天藉獲雋者名之爲冑世廟曰普天下都是我的秀才何得言冑耶是年試題舜有臣五人而天下治世廟因閱章卷詰主試者曰此卷何以宜冠多士對曰各卷只言五臣之賢惟此卷先發大聖如舜原足治天下而又得五

臣所以天下益歸於治深得尊君之意允宜首薦世廟大喜冒禁遂寢

續耳
譚

義蟹

菽園雜記松江沈宗正每深設斷於塘取蟹入饌一日見二三蟹相附而起近視之一蟹八跪皆脫不能行二蟹羿以過斷宗正爲感嘆遂折斷終身不復食蟹董孔昭曰西利生之論友也曰第二我夫耳目不能相及手足不能相代在我者且然矧伊人乎義哉斯蟹郭索乎緯蕭之間謀其身不遺其友

可如
集

海氣腥

蘇斜川過西興詩蚊虻過耳蠻音恐
鰕蟹薰人海氣腥

秋風擘

斜川候潮詩來逢春雨長魚苗去見秋風擘蟹螯

辨蟹

桀步擁劔一種也蝓蟬蟬蟻異類也含芒輸海止稻蟹爲然隨潮退殼止紫蟹爲然稻蟹食稻之蟹也國語勾吳事吳越又空於稻蟹是也紫蟹一名子蟹殼似蝓蟬足亦有撥棹子但殼上有胭脂斑點不比蝓蟬之純青耳

識者少

符子鄭玄未辨楮梨蔡謨不識螃蜞鶴林玉露市璞
寶燕石煮簣食螿蜚識者少也

晴川蟹錄卷之二